



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XIII. Conclusio operis.

urn:nbn:de:hbz:466:1-41527

Conclusio operis totius.

Vnt & alia multa beati Præsulis gesta, quæ scripto comprehendendi non possunt; sed ab illo comprehensa & dinumerata sunt, qui & hic bonorum eius operum aspirator, & illic fidelis dinoscitur remunerator: qui etiam non sine causa glorioſiſſimum eius transitum in festiuitate S. Pauli Apostoli disposuit, sed, ut cunctorum sapientum iudicio definitum est; quia beatus ille senectutem suam in Apostolatu remotissimorum gentium pro amore Dei fatigare non dubitauit, etiam laboris sui præmium in eius solenni natalitio, qui propriè Magister & Prædicator est gentium, percipere meruit. Dignum enim erat, ut, sicut Doctorem gentium specialius præ ceteris imitari studuit, ita etiam vnum & parem cum eo habeat natalem.

Gaudet ergò Babebergensis Ecclesia tanti pastoris auctoritate illustrata; lætentur monachorum ceteruæ singularis huius patroni vigilantia, ad tantum religionis culmen prouectæ. Exultet præcipue mons Archangeli Michaëlis tam preciosi corporis sepultura dedicatus, & ex membris eius, tanquam margaritis ornatus. Iubilet etiam in lætitia cantans canticum nouum Apostolo suo omnis Pomerania; quia, ipsius gratiæ adscribitur, quod illorum Ecclesia noua semper sobole fecundatur. Impletum est in eo, quod electis veritas repromittit dicens: *Fortitudinem gentium comedetis, & in gloria eorum superbiū: & quod propter hoc, in terra sua duplicita possidebunt: lætitia sempiterna erit eū.* Terra enim electorum est propriè terra viuentium; vbi beatus ille duplicita possidebit, quia non solum pro commisso sibi talento in Babebergensi Ecclesia duplicato, sed etiam pro alia, quam de gentibus Christo acquisiuit sponsa, reposita est ei corona iustitie. Nam cum Petrus Iudæam, Paulus Græciam, Andreas Achaiam, Ioannes Asiam, Thomas Indianam, Gregorius Angliam, ceterique Dominicī gregis arietes singuli suos æterno iudici reportabūt manipulos. Otto etiam inter eos Pomeraniam gaudens adducet, & cum Præposito Paradiſi Michaële, cui viuens specialius seruire non desit,

&c

*Apostrophe ad
Ecclesiam Bā-
bergensem.*

& corpore etiam moriens adhærere maluit, in tabernaculo
Dei iugiter habitabit. Sciens enim, quia paradisum intrare
non poterit, qui Præpositum eius Michaëlem placatum non
habuerit, tanta se ei deuotione, & corpore & animo per om-
nia studuit applicare, ut literis etiam ad Apostolicum Inno-
centium missis, locum sepulture suæ in Basílica S. Michaëlis
auctoritate eius firmaret; ne scilicet Canonici Maioris Eccle-
siae tam preciosum huic Monti violenter abriperent thesa-
rum.

Ecce quod concupiuit, iam videt; quod sperauit, tenet;
illi est iunctus in cœlis, quem tota mente dilexit in terris; cum
quo assidua intercessione alumnis suis patrocinari dignetur,
ut eum subsequi ad patriam claritatis æternæ valeamus, præ-
stante Domino nostro Iesu Christo, qui viuit & regnat Deus
per omnia secula seculorum, Amen.

*In codice manuscripto subiicien-
tur ista:*

Explicit liber quartus & ultimus de obitu & miraculis sanctissimi
piissimi Ottonis Babebergensis Episcopi Pomeranorum
que Apostoli, Anno Domini Millesimo quadringentesimo nona-
fimo nono, ipsa die Barnabæ Apostoli.



SER.